

KEY STATEMENTS FOR THE 2024 THANKSGIVING BLENDING CONFERENCE

Patru a shāgun dat ai laika lāngai hte lāhkawng a lam gaw, Kārai Kāsang a uphkang ai lam rai timung, Kārai Kāsang a uphkang ai lam hte seng ai lam yawng gaw, anhtē hpe ndai laika ni a kāang mādung re ai mādung tawn ai lam hte npawt gawgap lam de bai shāga woi ra ai – dai gaw, Kārai Kāsang a yaw māsing hpe gun hpai na mātu, māsūm lāngai Kārai hpe anhtē hpring hkra kābu gāra lam rai nga ai.

Patru ka tawn ai hta mānu dan ai lam gaw, shi gaw Hkristan asak hkrung lam hte Kārai Kāsang a up hkang lam hpe rau gumhpawn da nna, Hkristan asak hkrung lam hte Kārai Kāsang a uphkang lam gaw, ginrun lāngai hku rau sa nga ai lam hpe hpawhpyan da ai.

“Yawng māyawng re ai chyēju a Kārai Kāsang” – kamsham ai ni hpe Mādu a htani htana hpung shingkang kāta de shāga la ai Kārai – gaw, shanhtē a nni nhkri lam kaw na shanhtē hpe kuptsup shāgun ai lam, grin nga shāgun ai lam, n-gun jaw ai lam hte tup hkrak byin shāgun ai. Ndai “yawng māyawng re ai chyēju” gaw “Kārai Kāsang a tengman ai chyēju” rai nna, de a kāta de, kamsham ai ni du shang nna, dai hta shanhtē tsap nga ra ai.

Hkristu hta kamsham ai ni hku nna, anhtē gaw, anhtē a kāsī kāmang hku Hkristu a hkrang bung ni byin wa na rai nga ai, Hkristu hpe anhtē a myit ni a sāgu rem wa hku anhtē hkrum kādup hkamsha let kābu gāra lu ga ai.

**Outline of the Messages
for the Thanksgiving Blending Conference
November 28—December 1, 2024**

**GENERAL SUBJECT:
KĀRAI KĀSANG A YAW MĀSING A MĀTU, KĀRAI KĀSANG A UPHKANG AI
NPU HTA HKRISTAN ASAK HKRUNG LAM HTE HPUNG ASAK
HKRUNG LAM HPE ASAK HKRUNG AI LAM**

Message One

Kārai Kāsang A Yaw Māsing A Mātu Kārai Kāsang A Uphkang Ai Lam

Htina chyum daw; - 1Pet. 1:2-3, 5, 10-12, 20; 21:5, 9; 3:4; 4:14; 5:10;
2Pet. 1:4; 3:13, 18

- I. Petru a shāgun dat ai laika ni hta na ginlam gaw Kārai Kāsang a uphkang ai lam hte rau, Mādu a tāra jeyang ai lam rai nga ai.**
- A. Kārai Kāsang a tāra jeyang ai lam gaw lāmu kāsa ni kaw nna nnan hpanh nna (2Pet. 2:3-4), ga shāka dingsa hta rawng ai māsha a amyu rusai lam dingyang mātut sa mat wa ai (kāji 5-9).
 - B. Ga shāka ningnan prat lādaw hta dai gaw Kārai Kāsang a nta kaw nna hpanh nhtawm (1Pet. 1:17, 2:23; 4:6, 17) du wa na Mādu Kārai a nhtoi du hkra mātut byin pru wa na rai nga ai (2Pet. 3:10) dai gaw Milenia prat lādaw ndu shi yang Jew amyu māsha ni kamsham ai ni hte maigan amyu ni hta tāra jeyang ai nhtoi byin wa na rai nga ai (kāji 12).
 - C. Milenia prat lādaw ngut ai hpanh māsha law law hte nhkru ai nat ni yawng mung lawm, si mat ai ni yawng gaw tāra jeyang ai hkrum nhtawm, hten bya ai de du mat na rai nga ai. (1Pet. 4:5, 2Pet. 3:7) sumsing ni hte ginding aga gaw wan hte hkru mat wa na rai nga ai (kāji 10b, 12).
 - D. Tāra jeyang ai lam amyu myu a māhtai ni gaw nbung nga ai. Tāra jeyang ai lam nkau mi gaw shārin shāga ai tāra jeyang ai lam hpe byin pru shāngun nna, nkau mi gaw prat lādaw hte seng ai māra dam jaw ai hpe byin pru shāngun ai. Nkau mi chyawm gaw htani htana hten bya ai lam hpe byin pru shāngun ai-21 māsing 5daw 2.
 - E. Rai timung ndai tāra jeyang ai lam ni hku nna Kārai Kāsang gaw ninggawn tawa ting hpe asan sha jāsan jāseng kau nhtawm, dai hku nna, Mādu a ra shārawng n-gun lu hpa lam a mātu, Mādu a ding hpring ai lam hte (3:13) jāhpring ya hkrum ai ninggawn tawa nnan a mātu sumsing nnan hte ginding nnan hpe lu la na rai nga ai.
 - F. Kārai Kāsang a uphkang ai lam hte seng ai tāra jeyang ai lam hpe Daniela laika hta mung mu lu ai.
 - 1. Nebuhkadneza a myit māsing gumrawng nna, shi wēnyi gaw gumrawng gumtawng let myit tsaw myit dap ai shāloi, tingnyang kaw nna jāhkrat kau hkrum nhtawm hpung shingka rawng sādang mung la kau hkrum ai (5:20) Kārai Kāsang gaw “sumsing ni gaw uphkang ai lam hpe chye ai hpanh” shi a mungdan gaw shi hku nna bai shāgrin wa na re lam tsun wu ai (4:26, 5:21).
 - 2. Shi a rusai Belashaza gaw ndai lam mahkra hpe chye timung, Kārai Kāsang a man hta shi a lu sha nang ai lam gaw Kārai Kāsang a chyoi pra ai lam hpe shut shai roi rip ai lam rai nna, Daniela gaw shi hpe “na nsoi nsa Mādu ngu ai, na a lam yawng hpājang tawn da ai Kārai Kāsang hpe nang shāgrau shā-a ai nrai” ngu tsun wu ai (kāji 22-23) dai mājaw shi a mungdan gaw “na a mungdan hpe kāran kau nna Medi hte Persi māsha ni hpe ap kau nu ai” (kāji 28).

- G. Dai rai nna Petru gaw anhte gaw “nanhte mǎnam tai hkawm nga ai aten hte yang, hkrit kǎmyin ai hte hkan shǎtup nga” na mǎtu tsun da ai (1Pet. 1:17). Shi gaw anhte gaw “Dai rai nna Kǎrai Kǎsang gaw ram ging ai aten e, nanhte hpe shǎgrau shǎtsaw dat myit ga, shi a n-gun rawng ai lǎta npu e tinang dai myit anem nga” ra ai (5:6). Mǎdu a shǎrin shǎga jeyang ai lam hta Kǎrai Kǎsang a myit anem ai lǎta hte myit shǎmen hkam na mǎtu ra shǎrawng ai lam gaw, Kǎrai Kǎsang a shǎgrau ai lǎta hte shǎgrau hkrum na mǎtu hte anhte a asak jaw ai hku nna mǎsum lǎngai Kǎrai shi hkum nan hpe kǎbu gǎra na mǎtu nnga nmai ra nga ai lam rai nga ai, dai gaw myit shǎnem ai kamsham ai ni hta law htam nga ai (kǎji 5, 1:2, 4:10).
- H. Mǎdu Kǎrai hpe hkrit kǎmyin ai lam gaw Mǎdu hpe hkungga lra ai lam hte yawng mǎyawng hta Mǎdu hpe myit sǎdi dung ai lam rai nga ai (Psa. 86:11; Esai. 11:2; Prov. 1:7; 3:5-10). Mǎdu gaw anhte hpe hpan da ai mauhpa Kǎrai Kǎsang re lam gǎloi mung nmai mǎlap ai lam rai nga ai (Esaia 43:7). Mǎdu Kǎrai hpe hkrit kǎmyin ai lam gaw anhte hpe nkǎja ai amu gǎlaw ai lam kaw na jǎhkring kau shǎngun ai, dai gaw kǎga mǎsha ni a mǎtsan jamjau hkrum ai lam ni hpe ahtu hkam sha na mǎtu hte shanhte hpe mǎtsan dum lǎma tsawra myit mǎdun na mǎtu mung byin shǎngun nga ai.
- II. Petru laika lǎngai hte lǎhkawng a lawng lam gaw Kǎrai Kǎsang a uphkan ai lam rai timung, ndai lam gaw ndai laika ni a kǎ-ang dǎju rai nga ai dǎju tawn da ai lam hte npawt gawgap hkrang nrai nga ai. Kǎrai Kǎsang a uphkan ai lam hte seng ai yawng mǎyawng gaw anhte hpe ndai laika ni a kǎ-ang dǎju rai nga ai dǎju tawn da ai lam hte npawt gawgap hkrang de bai shǎga woi wa ya ging ai—dai gaw Kǎrai Kǎsang a yaw mǎsing hpe gun hpai na mǎtu mǎsum lǎngai Kǎrai hpe anhte hpring tsup hkra kǎbu gǎra ai lam rai nga ai.**
- A. Petru laika lǎngai hte lǎhkawng ni a kǎ-ang dǎju rai nga ai dǎju npawt hte npawt gawgap hkrang gaw atsam jaw ai mǎsum lǎngai Kǎrai gaw Mǎdu a lǎta la hkrum ai ni hpe mǎsum lǎngai Kǎrai a hpring hpring tsup tsup kǎbu gǎra ai kǎta de shǎga na mǎtu Mǎdu a yaw mǎsing hta gram shǎrai gǎlaw ya nga ai lam nan rai nga ai. Myit mǎsin a mǎkoi mǎgap da ai mǎsha hku nna, anhte a shinggyim wēnyi hte hpung shingkan a Wēnyi hte Hkristu a Wēnyi hku nna Kǎrai Kǎsang a Wēnyi gaw anhte hta Mǎdu a Kǎrai hte seng ai mǎbyin hta anhte a gambum hku nna, Kǎrai Kǎsang hpe la lang lu sha na mǎtu lǎdat rai nga ai—1Pet. 1:2-3, 5, 11, 2:1-3, 5, 9, 3:4, 4:14, 5:10, 2Pet. 1:4.
- B. Petru laika lǎngai hte lǎhkawng a kǎ-ang dǎju rai nga ai dǎju npawt hte npawt gawgap hkrang gaw mǎsum lǎngai Kǎrai gaw Mǎdu a hkum tsup ai hkye hkrang la lam hpe shǎngun shǎkre na mǎtu gǎlaw ai lam rai nga ai. Shing rai yang she anhte gaw ningnan shǎngai hkrum lu ai. Dai rai nna anhte gaw Mǎdu a mungga hpe lu sha lu nga ai. Dai rai nna anhte gaw kǎba wa ai, hkrang nsam gǎlai shai ai, gawgap hkrum lu nhtawm, dai hku nna Mǎdu gaw Mǎdu gaw shǎnu shǎra lu la na rai nga ai. Anhte gaw Mǎdu hpe shǎdan shǎleng na mǎtu hpung shingkan dan leng lu na rai nga ai—1Pet. 1:23, 2:1-5, 9.
- C. Petru gaw Yawhan, Pawlu hte shi hkum nan (shanhte a hkrang, jai lang ai lam, tsun dan ai lam, shanhte a ningmu hkrang nkau mi hte shanhte a shǎrin shǎga ai lam hpe tang mǎdun hkrang ni gaw nbung nga timung) shawng nnan na kǎsa ni gaw bung ai, jet ai amu, ga shǎka ningnan amu hta shang lawm mǎtut mǎhkai ai lam gwi gwi hte yin la ma ai—2Pet. 1:12-21, 3:2, 15-16, 2Kor. 3:6, 8-9, 4:1.
- D. Dai zawn re amu gaw mǎsha law law hpan de mǎsum lǎngai Kǎrai a hkum dan leng ai lam hku nna yawng mǎyawng shang lawm ai Hkristu hpe de a dǎju hku nna amu gunhpai nhtawm, Mǎdu gaw shinggyim rudi hkam ai lam, shinggyim asak hkrung ai lam, wudang gaw si hkam ai lam, bai hkrung rawt ai lam hte hkrung rawt lung mat wa ai lam ni hpe lai di ngut ai hpan Hkristu a hkrang shaw la ai hku nna chyoi pra

ai Wēnyi a gram shārai bungli gālaw ya ai a mārang e Mādu a hkrang shaw la hkrum ai māsha ni kăta de asak a jet ai gambum, shanhte a asak jaw ya ai hte yawng mǎyawng hku nna shi hkum nan kăran kăchyan ya ai. Dai gaw Hkristu a hkumhkrang hku nna Hpung hpe gawgap na mātu rai nhtawm, dai gaw Wa Kărai a htani htana maw mawn ai hte mären māsūm lāngai Kărai a hpring tsup dan leng ai lam hpring tsup hkum tsup ai hta ngut kre hpring tsup wa na rai nga ai-Kas. 2:36, 3:13, 15, 10:36; 1Pet. 1:2-3, 18-19, 23, 2:2-5, 7, 9, 25, 3:7, 4:10, 17, 5:2, 4, 10, 2Pet. 1:2-4, 3:18.

III. Petru hta daw māsāt sha lawm ai shi a shāgun dat ai laika lāhkawng yan hta Kărai Kāsang a yaw māsing mahkra, dinghta ga wahpang npawt n-gaw shi yang htani htana prat lādaw kaw nna (1Pet. 1:2, 20) htani htana htawm hpang prat hta sumsing nnan hte ginding nnan du hkra (2Pet. 3:13) gumhpawn tsun da ai. Shi gaw Kărai Kāsang a yaw māsing hte mātut mǎhkai ai ahkyak dik ai lam ni, myihtoī ni, myihtoī htoī da ai kăsa ni, hkaw tsun ai (1Pet. 1: 10-12) lam ni hte seng nnan māga māli hku nna hpaw hpyan da ai.

A. Māsūm lāngai Kărai māga hku nna,

1. Wa Kărai Kāsang gaw māsha law law hpe htani htana prat lādaw hta Mādu a shawng nnan kaw nna mu chye da ai hte mären (kăji 1-2, 2:9) lăta san da sai, Mādu a hpung shingkan kăta de shanhte hpe shāga woi wa ai (2Pet. 1:3).
2. Dinghta ga npawt wahpang njāhkrat shi yang Kărai Kāsang hku nna shawng nnan mu chye da nna, hpang jāhtum na prat lādaw hta dan leng paw pru ai Hkristu gaw (1Pet. 1:20), Kărai Kāsang a lăta la hkrum ai māsha ni hpe hkrang shaw la nhtawm hkye hkrang la ai (kăji 18-19, 2). Dai gaw Mādu a gawng mālai si hkam ai a mārang e (2:24, 3:18) asak hta Mādu a bai hkrung rawt ai lam hte atsam hta hkrung rawt lung ai hku nna rai nga ai (1:3, 3:21-22).
3. Sumsing kaw nna shāngun dat ai Wēnyi gaw Hkristu hta hkrang shaw la nhtawm hkye hkrang la ai māsha ni hpe shāchyoī shāpra, jāsan jāseng ya ai (1:2, 12, 22, 4:14) lāmu kăsa ni gaw ndai lam ni hpe azi yu na mātu myit mādā la nga ma ai (1:12).
4. Māsūm lāngai Kărai a Kărai hte seng ai atsam gaw hkrang shaw la hkrum ai māsha ni hpe asak hte Kărai hpe nawku hkungga ai lam hte seng ai yawng mǎyawng hta kărūm ya nna, (2Pet. 1:3-4) shanhte hpe hkum tsup ai hkye hkrang la lam de gawn hkan ya ai (1Pet. 1:5).
5. Kărai Kāsang gaw shanhte hpe shārin shāga ya nna (5:6) dai gaw Mādu a uphkan ai lam hte seng ai tăra jeyang ai hku nna, (1:17, 2:23, 4:5-6, 3:7) Mādu a yawng mǎyawng rai nga ai chyeju hte shanhte hpe jāhkum shātsup ya ai, shāgrin ya ai, n-gun jaw ai hte npawt shāngan ya ai lam nga wa na rai nga ai (1Pet. 5:10).
6. Mādu Kărai gaw shanhte hpang de aten gālu hkam shārang ya nga ai. Shing rai yang she shanhte yawng gaw hkye hkrang ai lam de du hkra myit mālai lu na mātu ahkaw ahkan lu na rai nga ai- 2Pet. 3:9, 15.
7. Dai hpang Hkristu gaw Mādu a tsawra ai ni a mātu hkum tsup ai hkye hkrang la lam hte rau hpung shingkan hta paw pru wa na rai nga ai- 1Pet. 1:5, 7-9, 13, 4:13, 5:4.

B. Kamsham ai ni māga hku nna; -

1. Kărai Kāsang mādu ai lam hku nna, kamsham ai ni gaw Kărai Kāsang a mārang e lăta la hkrum ai (1:2, 2:9). Mādu a hpung shingkan hte mai kăja ai a mārang e shāga la ai lam (kăji 9, 3:9, 2Pet. 1:3, 10), Hkristu a mārang e hkrang shaw la ai lam (1Pet. 1:18-19) asak hkrung ai mungga hku nna Kărai Kāsang a mārang e ningnan kălāng bai shāngai ai lam (kăji 3, 23) hte Hkristu a bai hkrung rawt ai hku nna hkye hkrang la hkrum ai lam (3:21) nga lu ai.

2. Shanhte gaw ya ten hta Kārai Kāsang a atsam hte gawn hkang da hkrum ai (1:5), shāda da tsawra na mātu jāsan jāseng hkrum ai (kāji 22) mungga chyu hpe lu sha ai a mārang e kāba wa ai (2:2) asak hta Wēnyi māsa lam mai kāja ai lam ni rawt jat wa ai (2Pet. 1:5-8) hte Kārai Kāsang hpe daw jau na mātu Wēnyi hte seng ai nta, chyoï pra ai hkinjawng aya de hkrang nsam gālai nhtawm gawgap hkrum lu ai (1Pet. 2:4-5, 9) nga lu ai.
 3. Shanhte gaw Kārai Kāsang a lāta la hkrum ai amyu, hkinjawng aya, chyoï pra ai māsha hte Mādu a mai kāja ai lam ni hpe shādan shāleng na mātu, Mādu e laksan mādu la na mātu laklai ai māsha ni rai nga ma ai- kāji 9.
 4. Shanhte gaw Mādu a uphkang ai lam hte seng ai tāra jeyang ai a mārang e shārin shāga hkrum ai (1:17, 2:19-21, 3:9, 14, 17, 4:6, 12-19, 5:6, 9). Mādu hpe hpung shingkang shādan shāleng na mātu grau htum laklai ai arawn alai hte Kārai hpe nawku hkungga ai lam hta chyoï pra ai asak hpe asak hkrung ai (1:15, 2:12, 3:1-2), Hkristu hku nna, Mādu a hpung shingkang dan leng na mātu Mādu a lak lak lai lai re chyeju a kāja ai sutdek ni hku nna (4:10-11) asak kāba ai ni a kāsa la ging ai bau māka ai npu hta (5:1-4) amu gunhpai ai hte Mādu a yu wa ai lam hpe myit māda la nga ai hte lāwan shāngun ai lam (1:13, 2:12, 3:1-2) nga nhtawm, dai gaw Mādu Kārai a htani htana mungdan kāta de shang lu na hte rau sutsu hkra kārūm ya hkrum lu na mātu rai nga ai (1:11).
 5. Dai sha n-ga, shanhte gaw sumsing nnan hte ginding aga nnan hpe mung myit māda la nga nna, dai hta htani htana prat ting dinghpring ai lam nga lu nna (3:13), shanhte gaw anhte a Mādu hte hkye la Mādu Yēsu Hkristu a chyeju hte Mādu hpe chye chyang ai lam hta tutnawng nsim nsa kāba wa nga ma ai (kāji 18).
- C. Satan māga hku nna; - satan gaw kamsham ai ni a hpyen māga, nat mātse rai nhtawm, shi gaw shābam ai hkanghkyi zawn gāyin hkawm let, kādai wa hpe māyu sha lu na kun? Ngu tam hkawm nga ai- 1Pet. 5:8.
- D. Ninggawn tawa māga hku nna;
1. Hkrat sum mat ai lāmu kāsa ni gaw jeyang hkrum nhtawm, htani htana jeyang ai lam hpe la nga ma ai (2Pet. 2:4). Shawng e Kārai kāta ai mungkan gaw hka kā-up hkrum ai a mārang e hten bya mat hkrum ai (kāji 5, 3:6). Kārai kāta ai māre ni gaw dap byin mat wa ai (2:6) shut shai ai shārin shāga ai ni hte ningmu shut ai lam ni hta ningmu hten bya ai ni, nhkru ai asak hkrung ai lam nga ai māsha amyu rusai yawng gaw hten bya ai de du tāra jeyang hkrum na rai nga ai (kāji 1, 3, 9-10, 12, 3:3-4, 7, 1Pet. 4:5) sumsing ni hte ginding aga gaw hkru mat wa na rai nga ai (2Pet. 3:7, 10-11) si mat wa sai ni hte nat mātse ni yawng gaw tāra jeyang ai hkrum na rai nga ai (1Pet. 4:5).
 2. Dai hphang sumsing nnan hte ginding nnan gaw ninggawn tawa nnan hku nna byin pru wa nhtawm dai hta Kārai Kāsang a dinghpring ai lam gaw htani htana prat ting grin nga lu na rai nga ai- 2Pet. 3:13, mādun; Esai. 1:26.

Message Two

Kārai Kāsang a up hkanɡ ai npu hta Hkristan sak hkrung lam hpe asak hkrung ai lam

Htina chyum daw; - 1Pe 1:17, 2:21-24, 4:17-19, 5:6

I. Petru a shāgun dat ai laika lāngai hte lāhkawng gaw, Kārai Kāsang a ninggawn tawa hte seng ai up hkanɡ lam hpe tsun da ai.

- A. Lāngai Petru laika a lam gaw, Kārai Kāsang a up hkanɡ ai npu hta nga ai Hkristan asak hkrung lam rai nna, grau nna, Mādu a lāta la hkrum ai māsha ni hpe hpāran hpāreng ai lam hta Kārai Kāsang a up hkanɡ ai lam hpe mādun da ai – 1:2.
- B. Lāhkawng Petru laika a lam gaw, Kārai seng ai hpāran ya ai lam hte Kārai seng ai up hkanɡ lam rai nna, Kārai Kāsang gaw anhtē hpe up hkanɡ nga ten, anhtē ra kādawng lam yawng, Mādu gaw mādi shādaw ya nga ai lam hpe mādun da ai – 1:1-4, 3:13.
- C. Kārai Kāsang gaw tāra je yang ai mārang e, up hkanɡ nga ai. Kārai Kāsang a tāra je yang ai lam gaw, Mādu a up hkanɡ ai lam hpe gun hpai na mātu rai nga ai – 1Pe 1:17, 4:17.
 1. Petru lāika lāngai hte lāhkawng gaw Kārai Kāsang a up hkanɡ ai lam hte mātut mānoi nga ai mājaw, ndai shāgun dat ai laika ni hta, Kārai Kāsang hte Kārai Kāsang a tāra je yang ai lam gaw, ahkyak mādung daw lam ni kaw na, lāngai hku nna, mātut mānoi mādun da ai – 1Pe 2:23, 4:5-6, 17, 1Pe 2:3-4, 9, 3:7.
 2. Amyu myu re ai tāra je yang ai lam kaw na, Mādu Kārai, Kārai Kāsang gaw, ninggawn tawa yawng hkra hpe je yang let jāsan na rai nga ai, dai rai yang she, Mādu gaw Mādu a ra shārawng ai lam a mātu, Mādu a dinghpring lam hte hpring nga ai ninggawn tawa ningnan a mātu, sumsing lāmu ningnan hte ginding aga ningnan hpe lu la na rai nga ai – kaji 13.
- D. Kāwa Kārai Kāsang a mārang e, hpāran gālaw ai 1Pe 1:17 hta nga ai je yang ai lam gaw, htawm hpang prat a tāra je yang ai lam nre ai sha, Mādu a kāsha ni hpe Kārai Kāsang a up hkanɡ ai hte seng ai hpāran hpāreng lam ni ya na aten, shāni shāgu byin ai tāra je yang lam rai nga ai.
 1. Kāwa Kārai Kāsang gaw, anhtē hpe ningnan shāngai nna, chyoï pra ai dinghku – chyoï pra ai kāshu kāsha ni hpe gālaw shāpraw ai – kaji 3, 15, 17.
 2. Chyoï pra ai kāshu kāsha ni hku nna, anhtē gaw, chyoï pra ai asak hkrung lam ni hta, hkawm sa ra ai (kaji 15- 16). Dai zawn nrai yang, Kāwa Kārai Kāsang gaw, Mādu a tāra je yang ai lam hta, tāra agyi byin wa na rai nna, anhtē a nsan seng ai lam hpe hpāran hpāreng na rai nga ai (4:15-17, Heb 12: 9-10).
- E. Kārai Kāsang a tāra je yang ai lam hta, shārin shāga ai lam hte seng ai tāra je yang ai lam gaw, Kārai Kāsang a nta kaw na hpang ai – 1 Pe 4:17.
 1. Kārai Kāsang gaw Mādu a up hkanɡ ai lam hte rep ra lam nnga ai yawng mǎyawng hpe tāra je yang nga ai. Dai mājaw ndai prat hta Kārai Kāsang a kāshu kāsha ni rai nga ai anhtē gaw, Kārai Kāsang a shāni shāgu na je yang ai lam hta nga nga ai – 1:17.
 2. Kārai Kāsang gaw Mādu a up hkanɡ ai hte seng ai hpāran hpāreng lam a tāra je yang ai lam hta, kamsham ai ni hpe hpāran hpāreng na mātu, grai gāhtet ai tsin-yam ni hpe jai lang ai, dai gaw, Mādu a nta kaw na hpang ai – 4:12, 17.
 3. Ndai tāra je yang ai lam a yaw shāda lam gaw, anhtē gaw, wēnyi hta, Kārai Kāsang zawn asak hkrung na mātu rai nga ai – kaji 6.

II. Petru ka tawn ai mānu dan lam hta, shi gaw, Hkristan asak hkrung lam hte Kārai Kāsang a up hkanɡ ai lam hpe rau gumhpawn da nna, Hkristan asak hkrung lam

hte Kārai Kāsang a up hkanɡ ai lam ɡaw, ɡinrun lāngai hku nna, rau sha sa nga ai hpe hpaw hpyan da ai – 1Pe 1:17, 2:21, 24, 3:15, 4:17, 5:5-8.

- A. Māsum lāngai Kārai ɡaw, Hkristu a ninggam hte ninggam re ai mābyin ni hpe lai di nna, anhtē hta shānu na mātu, asak jaw ai Wēnyi byin wa ai. Ndai ɡaw, anhtē a Hkristan asak hkrung lam a mātu rai nga ai – Yhn 1:14, 14:17, 1Ko 15:45b, 6:17.
- B. Dai ahking hta nan, Māsum lāngai Kārai ɡaw, ninggawn tawa hta hpan da ai wa hte up hkanɡ ai wa byin nga dīng yang rai nga ai – 1Pe 4:19.
- C. Anhtē ɡaw wēnyi seng ai asak nga na mātu hte, hpan da ai lam ningnan byin na mātu, Kārai Kāsang a mārang e shāngai hkrum shāka ai rai timung, anhtē ɡaw hpan da ai lam dingsa hta nga nga dīng yang rai nga ai – Yhn 1:12-13, 3:3, 5-6, 2Ko 5:17.
 - 1. Ndai a mājaw, anhtē ɡaw, Kārai Kāsang a up hkanɡ ai lam htē seng ai hpāran hpāreng lam ni hpe ra nga ai – 1Pe 1:17.
 - 2. Hkristan asak hkrung lam kunghpan wa na mātu, anhtē ɡaw, Kārai Kāsang up hkanɡ ai a je yang shārin shāga lam hpe ra nga ai – 2:2, 4:17, 2Pe 1:5-7.

III. Mādu Yēsu ɡaw dīnghta ga hta nga ai aten, Mādu ɡaw, Kārai Kāsang a up hkanɡ ai npu hta tsep kawp nga nna, shinggyim sak hkrung lam hpe asak hkrung nna, Mādu hte mātut mānoi nga ai lam yawng hpe Kārai Kāsang a up hkanɡ ai npu de ap tawn wu ai – Yhn 6:38, 1Pe 2:21-23.

- A. Mādu Kārai ɡaw, shi hkrum ai n-ɡawn nsawn ɡālaw hkrum ai lam ni hte sum mächyi ai lam yawng hpe Mādu a up hkanɡ ai npu hta, dīnghpring let je yang ya ai wa ngu ai dīnghprin ai Kārai Kāsang hpang ɡāloi mung ap ya wu ai, Mādu ɡaw, dai Kārai Kāsang hpang de, tinang hkum nan ap ya nna, dai dīnghpring ai mārāi hkum hta, mānoi nna, Mādu a up hkanɡ ai lam hpe chye na ai – kǎji 23.
- B. Kārai Kāsang ɡaw māsha re ai Hkristu hpe hpaji jaw ai shāloi, Hkristu a kǎta daw lam ni ɡaw Kārai Kāsang hte rau lāngai sha nga nga nna, Kārai Kāsang hte rau mātut mǎhkai ai lam kaw na shārin hkam la lu ai – Shk 16:7, Esa 50:4.

IV. Hkristu hta kamsham ai ni hte Kārai Kāsang a kǎsha ni hku nna, anhtē ɡaw Kārai Kāsang a up hkanɡ ai npu hta, Hkristan asak hkrung lam hpe sak hkrung ra ai – Yhn 3:15, 1:12-13, 1Pe 4:13-19, 5:6-8.

- A. Petru a laika ni ɡaw, nni nkri tsin yam lam ni kaw na hpāran hpāreng ai Kārai Kāsang a up hkanɡ ai hte seng ai hpāran hpāreng lam ni hpe la lang na mātu, anhtē hpe dangdi shāngun ai Hkristu hpe hpaw hpyan da ai- 1Pe 1:6-8, 2:3-4, 19, 21-25, 3:18, 22, 4:1, 15-16, 5:8-9.
- B. Anhtē ɡaw anhtē a ɡāyin hkawm nga ai aten hpe san seng ai hkrit kǎmyin ai hta, lai di ra ai, ndai ɡaw, anhtē a sak hkrung hkawm sa lam yawng hta, san seng na mātu, anhtē hpe woi awn na mātu, kǎja ai, lǎchyum sung ai māsa lam hta rai nga ai – 1:15, 17.
- C. Anhtē ɡaw, Kārai Kāsang a up hkanɡ ai hpe ɡun hpai ai Kārai Kāsang a n-ɡun rawng ai lǎta npu hta shǎɡrit shǎnyem ra ai - 5: 6.
 - 1. Daw kǎji 6 hta, n-ɡun rawng ai lǎta ɡaw, Mādu a je yang ai lam hta, ɡrau nna, mu lu ai Kārai Kāsang a hpāran hpāreng ai lǎta hpe mǎdun nga ai – 1:17, 4:17.
 - 2. N-ɡun rawng ai lǎta npu hta, shǎɡrit shǎnyem lu na ɡaw, Kārai Kāsang a mārang e, shǎɡrit shǎnyem shāngun ai lam rai nga ai, raitim, anhtē ɡaw, Kārai Kāsang a ɡram ya ai lam hta, shang lawm nna, Mādu a n-ɡun rawng ai lǎta hta, shǎɡrit shǎnyem ai, angwi re ai myit nga ra ai – 5:6.
- D. Anhtē ɡaw anhtē a myit ni hpe sǎdi dung ai hpan wa Kārai hpang de, ap da ra ai – 4:19.

1. Kārai Kāsang gaw anhtē a myit hpe hkanɡ zing lu nna, Mādu a tsawra myit hte sādi dung ai lam gaw Mādu a up hkanɡ ai hte seng ai hpāran hpāreng lam hta, dingman hkra yu lānu lāhku nga ai.
 2. Kārai Kāsang gaw shi a up hkanɡ ai lam hta, anhtē hpe je yang nga yang, Mādu gaw shi a tsawra myit hta, anhtē hpe sādi dung let gawn lājang ya nga ai, anhtē, Mādu a shārin shāga ai hte seng ai je yang ai lam hpe hkam sha ai shāloi, anhtē a myit ni hpe hpan wa Kārai a sādi dung let, gawn lājang ya ai lam hta, ap da ra ai – Mat 10:28, 11:28-29.
- E. Hkristu a si hkam ai lam hta, anhtē gaw yubak māra ni hpanɡ de, si sāka ai, dai rai yang she, Hkristu a hkrungrawt ai lam hta, anhtē gaw Kārai Kāsang a uphkanɡ ai npu hta, dinghpring ai de asak hkrung lu na rai nga ai – 1Pe 2:24.
1. Kārai Kāsang a uphkanɡ ai lam gaw, dinghpring ai lam hta gawgap da ai (Shk 89:14a), Mādu a uphkanɡ ai npu hta sak hkrung nga ai Kārai Kāsang a māsha ni rai nga ai anhtē gaw, dinghpring ai sak hkrung lam hpe asak hkrung ra ai.
 2. Dinghpring ai lam de asak hkrung ai ngu ai hta, Kārai Kāsang a up hkanɡ ai hte seng ai hpyi shawn ai lam hpe jāhpring shātsup shāngun ai hte mātut mānoi nga ai – 1Pe 2:24.
 - a. Anhtē gaw hkyehkanɡ la hkrum ai, dai rai yang she, Kārai Kāsang a up hkanɡ ai npu hta, tengman hkra sak hkrung lu na rai nga ai, tsun māyu ai gaw, Mādu a up hkanɡ ai a dinghpring ai hpyi shawn lam ni hte tup hkrak re ai lādat hta nga ra ai.
 - b. Hkristu a si hkam ai lam hta, anhtē gaw, māra ni kaw na gāran ginhka hkrum nna, Mādu a hkrungrawt ai lam hta, anhtē hpe bai hkrungrawt shāngun sai rai nga ai, dai rai yang she, anhtē a Hkristan asak hkrung lam hta, anhtē gaw, Kārai Kāsang a up hkanɡ ai npu hta, dinghpring ai lam de shi hte shi, asak hkrung lu na rai nga ai – Rom 6:8, 10-11, 18, Ehp 2:6, Yhn 14:19, 2Tm 2:11.

Message Three

Petru A Shăgun Dat Ai Laika Ni Hta Rawng Ai Asak Hte Gawgap Ai Lam

Htina chyum daw; - 1Pet. 1:8, 2:1-5, 9, 2Pet. 1:3-4

I. Petru a shăgun dat ai laika ni hte chyum laika mahkra ting a kă-ang dăju myit sawn ai lam gaw asak hte gawgap ai lam rai nga aia- 1Pet. 1:23, 2:2-5, 2Pet. 1:3-4.

- A. Asak gaw Hkristu hta hkum dan leng ai măsum lăngai rai nna, Wēnyi hku nna chye na hkawn hkrang nhtawm, anhte kăbu găra na mătu anhte kăta de shi hkum nan hpe kăran kăchyan ya ai. Gawgap ai lam gaw Kărai Kăsang a gumhpawn dan leng na mătu Kărai Kăsang a kăba wa ai lam hte dam lăda ai hku nna Hpung, Hkristu a hkumhkrang, Kărai Kăsang a Wēnyi hte seng ai nta rai nga ai- Nin. 2:8-9, 22, Mat. 16:18, Ehp. 4:16.
- B. Asak nli hku nna, Hkristu gaw anhte kăta hta asak a tsam rai nhtawm, asak hte Kărai hpe nawku hkungga ai lam hte mătut măhkai ai lam yawng hpe anhte hpang de kărur ya nna, dai gaw asak a kăba wa ai hte rawt jat wa ai kaw nna asak a sutsu dawn jat ai lam hte asak a dan leng ai lam hku nna Hpung hpe gawgap na mătu rai nga ai- 2Pet. 1:3-4, mădun; Kas. 3:15, măhkawn M-101 daw 4.

II. Kărai Kăsang a bandung gaw asak hkrung ai nlung hte gawgap da ai Wēnyi hte seng ai nta hpe lu la na mătu rai nga ai- 1Pet. 2:5.

- A. Anhte a asak rai nga ai Hkristu gaw nhten nbya ai nli rai nga ai. Kărai Kăsang a gawgap lam a mătu Mădu gaw asak hkrung ai nlung rai nga ai- 1:23, 2:4.
- B. Petru a găloi shai wa ai ten hta Mădu Kărai gaw shi hpe Petru-nlung ngu amying nnan hpe jaw wu ai (Yhn. 1:42). Petru gaw Hkristu hte seng ai hpaw hpyan lam hpe hkap la lu ai shăloi, Mădu Kărai hta Mădu gaw lunghkrung—nlung re lam kăhtap hpaw hpyan dan ai (Mat. 16:18). Ndai măbyin lăhkawng hta Petru gaw Hkristu hte Mădu a kamsham ai ni lăhkawng yan gaw Kărai Kăsang a gawgap lam a mătu asak hkrung ai nlung ni re lam mătšing nga wu ai (1Pet. 2:4-8, Kas. 4:11, Esai. 28:16, Zhk. 4:7).
- C. Hkristu hta kamsham ai ni rai nga ai anhte gaw ningnan shăngai ai hte hkrang nsam gălai shai nhtawm Hkristu a hkrang bung ni hku nna asak hkrung ai nlung ni rai nga ga ai. Anhte gaw ga hkum pup hte hpan da hkrum ga ai (Rom. 9:21). Raitim ningnan shăngai ai ten hta Kărai hte seng ai asak a nli hpe anhte lu la nhtawm, anhte hta dai gaw kăba wa ai a mărang e anhte hpe asak hkrung ai nlung ni hku nna hkrang nsam gălai ya ai (1Petr. 2:5).

III. Kărai Kăsang a gawgap ai lam gaw asak hkrung ai măjaw dai gaw kăba wa nga ai Kărai Kăsang a nta hku nna, Hpung a kăja wa gawgap ai lam gaw kamsham ai ni asak hta kăba wa ai a mărang e rai nga ai-Ehp. 2:21.

- A. Kărai Kăsang a gawgap lam a mătu asak hta kăba wa na mătu anhte gaw Mădu Kărai hpe tsawra ra ai. Anhte a wēnyi hpe ahkyak la ra ai. Asak a măhkrun lam gaw mătut nga nga na mătu atsam mărai mahkra hte anhte a myit măsın hpe gawn hkang ra na rai nga ai-1Pet. 1:8, 2:2, 5, 3:4, 15, Gsh. 4:18-23, Trj. 10:12, Mrk. 12:30.
- B. Hkristu a asak hpe anhte hta hpa pat hkum shingdang ai lam mung nnga măyu yang anhte gaw wudang a daw gawp kau ai, hpung shingkang a wēnyi hku nna Hkristu a yawng măyawng shang lawm ai Wēnyi hta Hkristu a si chye ai si hkam ai lam hpe hkrum kădup hkam sha ra ai. Shing rai yang she anhte kăta na pat hkum shingdang ai lam ni gaw hpăran kau hkrum ai hte la kau hkrum lu na rai nga ai- 1Pet. 1:11, 4:14, Shk. 139:23-24.

1. Hkristan lāngai tai ai lam gaw anhte a yaw shāda lam hku nna, Hkristu hta lai nna, kāga hpa lam hpe mung nmai la lang ai. Ndai lam a mātu pat hkum shingdang ai lam gaw asak a mähkrun lam hpe nchye ai hte Hkristu hpe anhte a asak hku nna nla lang ai lam rai nga ai- Mat. 7:13-14, Hpil. 3:8-14, Kol. 3:4, Rom. 8:28-29.
 2. Lāhkawng ngu na pat hkum shingdang ai lam gaw mākoi māgap ai lam rai nga ai. Māsha lāngai a wēnyi māsa nga ai gaw shinggan daw hkrang hku nna daw dan ai lam nre sha, Hkristu hpe shi gāra hku la lang ai lam hte daw dan ai- Mat. 6:1-6, 15:7-8, Yhn. 5:44, 12:42-43, mādun; Yoshu. 7:21.
 3. Māsum ngu na pat hkum shingdang ai lam gaw gumlang ai lam rai nga ai. Anhte gaw māsa lam ni hpe gālaw ai lam hta grai nan myit rawt nna myit nden ja ai lam nga nga ai. Raitim Mādu hpe nchye ai a mārang e anhte kāta na asak hkrung ai Hkristu hpe htawng shārawng da ai hte nmādat nmāra ai lam nga nga dingyang rai nga ai-Jaw. 14:9, 14-18, 11:1-2, 46-47, Rom. 16:17, 1Kol. 15:33.
 4. Māli ngu na pat hkum shingdang ai lam gaw anhte a shinggyim rudi atsam mārāi ni rai nga ai. Ndai rudi atsam mārāi ni gaw anhte hta ndaw grawp shi ai naw ngam nga yang Hkristu a asak a mātu manghkang byin wa na rai nga ai- 2:14-15, 3:12, 16-17, Yuda. 19, mādun; Jaw. 10:1-2.
- C. Kārai Kāsang a gawgap ai lam a mātu asak hta kāba wa na mātu anhte gaw “jāhte tam ai lam amyu myu, gumlau ai lam, mākoi māgap lam ni, mānawn māsham ai lam ni hte jāhpoi asawng ai lam ni mahkra hpe shaw kau ra na rai nga ai- 1Pet. 2:1.
- D. Kārai Kāsang a gawgap ai lam a mātua asak hta kāba wa na mātu, anhte gaw Kārai Kāsang a gumlau ai lam nnga ai mungga chyu hte bau māka hkrum ra nga ai- kaji 2.
1. Gumlau ai lam nnga ai chyu gaw Kārai Kāsang a mungga hta lawm nna, anhte a myit sawn lu ai tsam rawng ai nyan a chye na hkawn hkrang ai lam hku nna, anhte kāta na māsha hpe bau māka ai nhtawm, anhte a myit a daw hte seng ai atsam mārāi ni hte rin māni ya lu nga ai- Rom. 8:6, mādun; Trj. 11:18.
 2. Bau māka ya ai mungga chyu gaw nyan hku nna myit a mātu rai timung, dai gaw h pang jāhtum hta wēnyi hpe bau māka kārūm ya nhtawm, anhte hpe myit hte seng ai lam nbyin shāngun ai sha wēnyi hte seng ai lam byin shāngun ya nga ai. Kārai Kāsang a Wēnyi hte seng ai nta hpe gawgap na mātu htap htuk mānu shāngun ya nga ai- mādun; 1Kol 2:15.
 3. Mungga chyu hpe kābu gāra na mātu mungga hta mai kāja ai lam hte rau Kārai Kāsang hpe chyim yu hkam sha na mātu, anhte gaw akyu hpyi ai lam amyu myu hte mungga hpe myit sawn hti shākrai ai a mārang e mungga hpe hkap la lu na rai nga ai- 1Pet. 2:2-3, Ehp. 6:17-18, Shk. 119:15, 23, 48, 78, 99, 148.
 - a. Mungga hpe myit sawn hti shākrai ai lam gaw dai hpe ahkyak la myit sawn ai lam hte hkam sha chyim lu na mātu hte kābu gāra na mātu rai nga ai- 1Pet. 2:2-3, Shk. 119:103.
 - b. Akyu hpyi ai lam, tinang hkum hpe ga shāga ai lam hte Mādu Kārai hpe shāgrau ai lam ni mung mungga hpe myit sawn hti shākrai tsun ai lam hta shang lawm nga ai. Mungga hpe myit sawn hti shākrai ai lam gaw “shat lai lai ai lam” rai nna, law law myit sawn sumru ai lam hte Kārai Kāsang a mungga hpe hkap la lu ai rai nga ai-Jaw. 11:3.
 4. Mungga hta bau māka kārūm ya ai chyu hku nna Hkristu hpe lu sha ai a mārang e anhte gaw hpring tsup ai hkye hkrang la lam de, hpung shingakang dan leng na mātu hkrang nsam gālai shai ai hku nna kunghpan ai lam de kāba wa ai. 1Pet. 2:2 hta rawng ai hkye hkrang la lam gaw Kārai Kāsang a gawgap lam a mātu hkrang nsam gālai shai ai lam a lawng lam rai nga ai.
 5. Anhte gaw bau māka kārūm ya hkrum lu na mātu “chyu” Hkristu hpe kābu gāra ga ai. Shing rai yang she “nlung-Hkristu” hku nna Mādu hte hkrang nsam gālai ya

hkrum lu nna, “hkumhkrang—Hkristu” hku nna gawgap hkrum let, chyoï pra ai hkinjawng aya de Kărai Kăsang a Wēnyi hte seng ai nta byin lu na rai nga ai- kăji 2-3, 1Kol 12:12-13.

IV. Chyoï pra ai hkinjawng aya, hkinjawng ni a jet ai bungli gălaw ai hkumhkrang gaw gawgap hkrum ai Wēnyi hte seng ai nta rai nga ai. Kărai Kăsang gaw Mădu shănu na mătu Wēnyi hte seng ai nta hte Mădu hpe daw jau na mătu hkinjawng agyi hte seng ai hkumhkrang gumhpawn da ai hkinjawng aya hpe ra shărawng nga ai- 1Pet. 2:5, Pru. 19:5-6.

- A. Anhte gaw “lăta la ai amyu, hkawhkam hkinjawng ni, chyoï pra ai amyu baw hte, Kărai Kăsang lăhku la ang ai măsha ni, rai nga myit dai” (1Pet. 2:9) lăta hkrum ai amyu gaw Kărai Kăsang kaw na anhte yu hkrat wa ai lam hpe mădi mădun nna, hkawhkam hkinjawng amyu gaw Kărai Kăsang kaw na anhte a daw jau ai lam hpe mădi mădun nhtawm, chyoï pra ai măsha amyu gaw anhte Kărai Kăsang a mătu măsha ni re lam hpe mădi mădun nhtawm, Kărai Kăsang lăhku la ang ai măsha ni gaw Kărai Kăsang kaw na anhte a hpu htum ai lam hpe mădi mădun ai.
- B. Anhte a gumhpawn da ai hkinjawng hte seng ai dawjau ai lam gaw anhte hpe nsin kaw na Mădu a mauhpa nhtoi de shăga woi wa ai Mădu a mai kăja ai lam ni hpe kăbu găra lam hku nna tsun shăpraw na mătu rai nga ai (kăji 9). Dai rai nna, anhte gaw “Yēsu Hkristu a mărang e Kărai Kăsang hkap la ai Wēnyi hte seng ai hkungga shan ni hpe hkungga nawng ai lam nga lu na rai nga ai (kăji 5b). Ndai Wēnyi hte seng ai hkungga shan ni gaw; -
1. Ga shăka dingsa shingdaw ai lam ni rai nga ai wan nat hkungga ni, măhku hkungga ni, htingrai htingrat hkungga ni, măra raw hkungga ni hte nwat hkungga ni rai nga ai hkungga ni yawng mahkra a jet ai lam rai nga ai Hkristu- Jaw. 1-5.
 2. Anhte a kăbu găra shiga hkaw tsun ai a mărang e hkye hkrang la lu nna, Hkristu a daw shan ni hku hkungga nawng ya hkrum lu ai yubak măsha ni- Rom. 15:16.
 3. Anhte a hkumhkrang, anhte a shăgrau ai lam ni hte Kărai Kăsang a mătau anhte gălaw ai lam yawng măyawng rai nga ai- 12:1, Heb. 13:15-16, Hpil. 4:18.

V. Mădu Kărai h pang de anhte a hkinjawng agyi hte seng ai daw jau ai lam yawng gaw “shădawn ai Kărai Kăsang” hku nna Mădu kaw na mădung npawt h pang ra nga ai. Anhte hku nna nmai byin lu ai. Anhte a hkinjawng agyi hte seng ai dawjau ai lam ni yawng gaw Mădu a woi awn lam hte Mădu a shădawn măsai ya ai hte mären rai ra ai. Mădu a si hkam ai lam hpe anhte hta gram shărai gălaw ya na mătu ahkang jaw ai hte rau, Mădu a bai hkrung rawt ai asak gaw anhte hku nna kăga măsha ni kăta de kăran kăchyan ya lu na rai nga ai- 2Kol. 10:13, Yhn. 12:24, 21:15-22, 2Sam. 7:18, 25, 27, Luk. 1:37-38, Hymn, M-632.

Message Four

Hkristu a Hkrang bung Sumla byin wa ai lam the Anhtē myit ni a sagu rem wa kaba hku nna, Hkristu hpe hkrum kădup hkam sha ai lam

Htina chyum daw; - 1Pe 2:21-23,25. Mat 11:28-30, Hpl 1:27, 2:2

I. Hkristu hta kamsham ai ni hku nna, anhtē gaw, anhtē a kăsi kămang hku nna, Hkristu a Hkrang bung sumla ni byin wa na rai nga ai, 1Pe 1:21.

- A. Kărai Kăsang a uphkang ai npu hta Mădu Yēsu a asak hkrung lam gaw, kasi kamang rai nga ai, dai rai yang she, anhtē gaw Mădu a hkrang bung sumla byin wa nna, Madu a lăgaw hkrang hpe hkan hkawm lu na rai nga ai, Kaji, 21-23, Ehp 4:20-21.
- B. 1Pe 2:21 hta *kasi kamang* a mătu Greek ga si gaw laika ka shărin ai lam hta jai lang ai madung laika –ta hkrang laika, npu htap ka sama ai lam langai hpe madi madun ai rai nna, jawng ma ni gaw laika ka na matu sharin la ai shaloi, dai npu htap a ntsa kaw ka ai lam hta jai lang ai.
 - 1. Mădu Yēsu gaw shi asak hkrung lam hpe anhtē man hta tawn da ai lam gaw, anhtē gaw lăgaw hkrang hpe hkan hkawm nna, hkrang nsam shăbung lu na mătu, hkrang npu htap ka laika hku nna tawn da ai lam rai nga ai. – Math. 11:28-30.
 - 2. Kărai Kăsang a yaw shăda lam hta anhtē gaw tinang dinghkrai shăkut shăja ai lam hte Hkristu hpe hkan shăbung na matu nrai nga ai, anhtē ra nga ai lam gaw hkan shăbung na mătu nre ai sha, hkrang bung sumla tai wa na mătu rai nga ai. – Rom. 8:29. 2kor. 3:18.
- C. Anhtē gaw Kărai hte seng ai asak a sutsu ai lam shang lawm ai mabin hku nna Hkristu a hkrang bung sumla, Hkristu a hkrang sumla byin wa na mătu rai nga ai. Ndai mabyin ngut kre ai lam nga ai shăloi, anhtē gaw Hkristu a hkrang bung sumla byin wa na rai nga ai. – Yh. 3:15. Ehp. 3:8.
- D. Hkrang sumla byin pru shăngun ai bungli hpe, Petru tsun ai hta Hkristu gaw anhtē a kăsi kămang re ai hpe hkrang shăpraw dan na mătu jai lang mai ai.
- E. Anhtē a kăsi kămang hku nna Hkristu a hkrang sumla byin wa na mătu, anhtē gaw Hkristu hpe anhtē a asak hkrung ai wa, anhtē hta hkrang sumla pru wa nna, anhte a myit măsin hta shi a nta hpe gălaw taw nga ai wa hku nna hkrum kădup hkam sha ra nga ai. – Gal 2:20. 4:19. Ehp.3:16,17a.
 - 1. Ga shăka ningnan hta Hkristu gaw anhtē a kăta daw byin ai hte sunghtum ai hku, mătut nga ai hpe hpaw mădun da nga ai- Gal 1:16, Kol.3:10-11.
 - 2. Pneumatic Hkristu – Asak jaw ai Wēnyi hku nna Hkristu –gaw anhtē hta asak hkrung nga ai- 1Kor.15:45b, Gal. 2:20.
 - a. Kărai Kăsang a yaw măsing ngu ai gaw “Ngai” gaw Hkristu a si hkam ai lam hta si hkam nna, Mădu a hkrungrawt ai lam hta Hkristu gaw ngai hta asak hkrung ai lam rai nga ai – Yh.14:19.
 - b. Anhtē ni gaw Mădu Kărai hte wēnyi lăngai sha rai ga ai, Mădu hte rau asak lăngai sha rai nna, Ya anhtē gaw Mădu hte mărai hkum lăngai sha rai ra nga ai – 1Kor.6:17.Kol.3:4.Hpil.1:21a.
 - c. Hkristu gaw Wēnyi hku nna anhtē hta, shănu nga ai măjaw, Mădu hpe anhtē hta asak hkrung na ahkang jaw ra ai – Yhn.14:16-19. Gal. 2:20.
 - 3. Anhtē hta Hkristu a Hkrang pru wa ai lam gaw, anhtē hta Hkristu hpring tsup hkra kăba wa ai lam rai nga ai- 4:19.
 - a. Anhtē myit malai lu nna, Mădu hta kamsham ai aten hta Hkristu gaw anhtē a kăta hta shăngai wa ai. Dai hpang anhtē a Hkristan asak hkrung lam hta

- Hkristu gaw anhtē hta asak hkrung nna, jāhtum, anhtē kung hpan wa ai shāloi, Mādu gaw anhtē hta paw pru wa na rai nga ai –Yh.1:12-13.3:15. Gal.2:20.4:19.
- b. Anhtē hta Hkristu hkrang pru wa na ngu ai gaw, yawng mǎyawng lawm ai Wēnyi hpe, anhtē a kǎta mǎbyin hta daw shāgu hpe mādu lu na ahkang jaw ai lam, anhtē hta Hkristu hpring tsup kǎba wa ai lam rai nga ai-Kol.2:19. Ehp.4:15-16.
 - c. Anhtē hta Hkristu hkrang pru wa na ngu ai gaw, anhtē gaw Hkristu hte mǎdung npawt mǎhkri shawn ai lam hta mǎhkri shawn shang lawm hkam ai lam hpe, madun ai – Kol.3:10-11.
 - d. Gal 4:19 hta *hkrang sumla pru wa ai lam gaw* 2Kor 3:18 hta hkrang bung hte bung nga ai. Hkristu gaw anhtē hta hkrang nsam pru wa ai shāloi she, Mādu a hkrang bung de anhtē gaw Mādu hpe shādan shādawng lu na rai nga ai.
4. Anhtē hta asak hkrung nna, anhtē hta hkrang nsam pru wa ai Hkristu gaw anhtē a myit mǎsin ni hta shi a nta hpe gǎlaw nga ai- Ehp.3:16-17a.
 5. Hkristu gaw anhtē hta asak hkrung ai lam, anhtē hta hkrang nsam pru wa ai lam, anhtē a myit mǎsin ni hta nta gawgap nga ai hte rau anhtē gaw Kārai Kāsang hpe gumhpawn dandawng na mǎtu Hkristu a hkrang bung sumla byin wa ga ai- Rom.8:29.12:4-5.Shingran.21:2.

II. Anhtē gaw Hkristu a hkrang bung sumla byin wa ai hte rau Hkristu hpe anhtē myit a sāgu rem wa hku nna anhtē hkrum kadup hkam sha nna, kǎbu gǎra lu ga ai-1Pe.2:25. Mat.11:28-30. Phi.1:27.2:2.

- A. Anhtē myit a sāgu rem wa hku nna, Pneumatic Hkristu gaw anhtē a kǎta daw mǎbyin mǎsa hpe yu mǎda ya nna, anhtē kǎta daw mǎbyin a mǎsa lam hpe ahkyak la ya nga ai.
 1. Hkristu a hkrung ai bau rem ai lam hta, mǎdung hku nna anhtē a myit hpe ahkyak la ya ai-shkk.23:3.
 2. Hkristu gaw anhtē myit a kǎja ai akyu hpe ahkyak la ai hku nna, anhtē a kǎta daw mǎsa lam ntsa Mādu a yu mǎda bau rem ai hku, anhtē hpe bau rem ya nga ai- Heb.13:17.
 3. Dai zawn re ai bau rem ai lam gaw kǎta daw byin ai, rudi mǎsa rai nga ai, sak hkrung ai shālan shābran ya ai lam rai nga ai.
- B. Anhtē myit gaw grai nan shuk shak ai mǎjaw, anhtē gaw anhtē a wēnyi hta asak jaw ai Wēnyi rai nga ai Hkristu hpe anhtē a myit hta anhtē hpe bau rem na mǎtu, anhtē a nyan, hkam sha ai lam, ra shārawng ai lam hte anhtē a manghkang ni, ra kǎdawn ai ni hte ana ni hpe ahkyak la ya nga ai- Yhn.14:16-17.1Kor.15:45b.6:17.
 1. Anhtē a Pneumatic sāgu rem wa kǎba hku nna, Hkristu gaw anhtē a wēnyi kǎta kaw na anhtē hpe ahkyak la ya nga ai.
 2. Mādu a bau rem ai lam gaw anhtē a wēnyi kaw na hpan let, anhtē myit a daw shāra shāgu hta chyam bra mat ai.
 3. Anhtē a wēnyi kaw na Hkristu gaw anhtē myit a daw shāra yawng hta shang wa nna, anhtē hpe si mǎni ai, sak hkrung ai,yawng mǎyawng lawm ai ginlam hta ahkyak la ya nga ai.
- C. Anhtē myit ni a sāgu rem wa kǎba hku, hkristu gaw anhtē hpe n-gun bai jāhpring ya ai- Shk.23:3a.
 1. Anhtē a myit hpe n-gun bai jāhpring ya ai ngu hta, anhtē gaw sak hkrung suhprang wa ai lam hpe ngu ai.
 2. Anhtē a myit hpe n-gun bai jāhpring ya ai lam hta ningnan gram ya ai lam hte hkrang nsam gǎlai ya ai lam mung lawm nga ai- Rom.12:2.2Kor.3:18.

- D. Anhtē myit ni a sāgu rem wa kāba hku, Mādu Kārai gaw anhtē a myit hpe simsa shāra jaw ai-Matt.11:28-30.
1. Mādu Kārai gaw tāra kānu hpe shākut hku zing nga ai ni (shing nrai) bungli lāma ma hpe awng dang na mātu shākut shāja nga ai ni hpe, shi hpang de shingbyi na mātu, shāga nga ai-kaji 28.
 2. Dai simsa lam gaw tāra kānu (shing nrai) htunghking tāra (shing nrai) bungli lāma ma (shing nrai) lit la ai lam hta hkyiba lit li nga ai kaw na lawt na lam, dai sha n-ga, hkum tsup ai simsa lam hte hpring tsup ai myit dik myit pyaw lam hpe mung mādi mādun ai.
 3. Mādu Kārai a kandang hpe hpai ai gaw Kāwa Kārai a ra shārawng ai lam hpe hpai ai rai nga ai-12:50.
 4. Mādu Kārai gaw Kāwa Kārai a ra shārawng ai hku nna up hku ai hte dai hpe sha ahkyak la ai ai asak sak hkrung lam hpe asak hkrung wu ai (Yh.4:34.5:30.6:38). Mādu gaw Kāwa Kārai a ra shārawng ai lam hpe hpring tsup hkra, myit mu myit hku ai lam nga nna, shi a myit masin hta simsa lam nga ai.
 5. Mādu Kārai a kandang hpe hpai nna, Mādu kaw na shārin la ai simsa lam gaw kātā daw simsa lam, anhtē myit a mātu simsa lam rai nga ai-Mat.11:29-30.
- E. Mādu Kārai gaw anhtē a myit hpe bau rem nna, anhtē a myit hpe n-gun jāhpring ya ai mājaw, anhtē gaw Hkristu hpe hkrum kādūp hkamsha ai sha n-ga, Mādu hpe kābu gāra lam mung lu la ga ai-Hpil.2:2.3:1a.
1. Hkristu hpe hkrum kādūp hkam sha ai lam gaw, ahkyak madung anhte a wenyi nga ai lam rai nga timung, Hkristu hpe kābu gāra ai lam gaw anhtē a myit hta rai nga ai-1:27.2:2.
 2. Anhtē a myit hta manghkang nga ai rai yang, anhtē gaw Hkristu hpe kābu gāra ai lam nnga ai sha, Hkristu hpe hkrum kādūp hkam sha ai lam nga ai lam mung, mai byin nga ai.
- III. Hkristu hte seng nna, anhtē a namchyim gaw, anhtē a myit hta rai nga ai. Ndai lam a mājaw Hkristu hpe kābu gāra lu na mātu, anhtē gaw anhtē myit a daw shāgu, grau nna anhtē a nyan hpe bau rem na mātu Mādu Kārai hpe ra ahkyak nga ai lam rai nga ai.**

Message Five

Petru a shārin shāga ai laika ni hta nga ai chyēju

Htina chyum daw; - 1Pe.1:2b, 10, 13. 2:19-20. 4:10. 5:5, 10, 12. 2Pe.1:2. 3:18

- I. Chyēju gaw anhtē a kābu gāra hpa hku nna, Hkristu hkum nan rai nga ai- Chyēju gaw asak jaw ai Wēnyi hku nna, hkrungrawt ai Hkristu gaw, shi hkum nan hpe anhtē hpang de shābrai kăta jaw da ai, anhtē hpang yawng măyawng re ai hte anhtē hta, anhtē kaw nna, anhtē a mātu yawng măyawng hpe gālaw taw nga ai- Yh.1:14, 16-17. Esai.55:1. 2kor.1:8-9, 12. Găl. 2:20. 1Kor.15:10.**
- II. Chyēju law htam jat wa ai lam gaw, anhtē a shāni shāgu asak hkrung lam hta Kārai Kāsang hpe hpring tsup hkra chyē chyap ai lam, anhtē ni a Mădu Yēsu hpe hpring tsup hkra chyē chyap ai lam ni hta law htam wa ai Chyēju rai nga ai. Mădu a Yaw măsing hta Kārai Kāsang a Chyēju gaw hpring kăbrat ai lam, law htam jat wa ai lam hte ntaw ntsang ai hpring kăbrat ai lam rai nga ai – 1Pet.1:2b. 2Pet.1:2. Yh.1:16. Ehp.1:6-8. 2:7. Rom. 5:17, 21. 1Tim. 1:14. Shr. 22:21.**
 - A. Chyēju gaw anhtē măsan jam jau hkam ai lam ni, shădawn măsat da ai lam ni hte n-gun yawm ai lam ni kaw nna anhtē ni hta law htam jat wa let nga ai. Chyēju gaw anhtē a kandang hpe gun hpai ya ai wa hku nna Hkristu rai nga ai. Anhtē hta amu law wa magang, Hkristu hpe hkrum kădup hkam sha na mātu ahkaw ahkang law wa măgang rai nga ai- 2Kor. 12:7-9. 1:12, 15.
 - B. Chyēju hku nna Hkristu hpe hkrum kădup hkam sha ai ai lam gaw Mădu hpe tsawra ai ni hte rau nga ai- Ehp. 6:24.Yh. 21:15-17. 1Pet.1:8.
 - C. Mădu Kārai hpe Mădu a Kārai hte seng ai măbyin măsa hte Chyēju hku nna, kābu gāra ai lam gaw, Mădu a Chyēju ga hpe anhtē hkap la lu ai lam hte dai hta jung nga ai lam kaw na rai nna, dai hta Mădu a mănu dan ai, grai kăba ai ga sădi ni yawng lawm nga ai- Kasa. 20:32. 2Pet1:4. Ehp.6:17-18.
- III. Ga shăka dingsa hta nga ai myi htoi ni gaw anhtē hta du wa na Chyēju hte seng nna myi htoi htoi da ma ai – 1Pe.1:10.**
 - A. Ga shăka dingsa myi htoi ni hta Hkristu a Wēnyi gaw Hkristu hte seng nna Mădu a shinggyim rudi hkam ai lam, shinggyim asak hkrung lam hte wudang hta si hkam ai lam hta Mădu a tsin-yam hkam ai lam ni, hkrung rawt ai lam, lung mat wa ai lam, lăhkawng lang yu wa ai lam hte anhtē hpang Kārai Kāsang a hpring tsup ai hkye hkrang la lam hpe la lang hkawm sa na matu, ning ngai ai lam ni hta Mădu a hpung shingkang kaw nna, anhtē hta Chyēju byin wa ai hte seng nna, shanhtē hpe hkawn hkrang ai lam nga shăngun ai – Kaji.5, 9-10.Shk.22. Esai.53. Daniela.9:26.
 - B. Hkristu a Wēnyi gaw ga shăka ningnan hta Hkristu a si hkam ai lam hte hkrung rawt ai lam kaw nna, dai hte rau aten lădaw hte seng ai măhkri shawn ai lam nga timung (Yh.7:39.Rom.8:9-11), dai Wēnyi a shămu shămawt galaw ai lam gaw htani htana rai nga ai, ginlam gaw Mădu gaw htani htana Wēnyi re ai majaw rai nga ai (Heb.9:14).
 - C. Mădu a htani htana gālaw ai lam hta Hkristu a Wēnyi gaw ga shăka dingsa myi htoi ni hta nga wa nna, Hkristu hte seng nna ga shăka ningnan kamsham ai ni kaw Kārai Kāsang a hpring tup ai hkye hkrang la lam a yawng măyawng hkrak tup hpring tsup ai, shădawn masat kăta ai Chyēju byin na matu yu wa na re lam, dai gaw shanhtē a myit hkyehkrang la hkrum na matu re ai, mungdan prat lădaw hta Mădu Kārai hpe kăbu ai kăta de shanhtē shang lu na lam a matu rai nga lam sang lang ai lam nga ai- Yhn.1:17.Heb.10:29b.1Pe.1:9.Mat.25:21, 23.

- D. Hkristu a Wēnyi gaw Chyēju hku nna Kārai Kāsang a hpring tsup ai hkye hkrang lam hpe arung arai lāhkawng hku nna anhtē h pang de la sa wa ya ai- ga shāka dingsa myihtoi ni myihtoi htoi da ai hte ga shāka ningnan kāsā ni a hkaw tsun ai lam rai nga ai- 1Pet.1:10-12. Shr.2:7a.

IV. Kamsham ai ni gaw shanhtē a myit māda ai lam hpe hkum tsup hkra tawn da ra ai lam Chyēju gaw, Yēsu Hkristu paw pru wa ai ten lādaw hta kamsham ai ni h pang de shālun hkam la hkrum na rai nga ai – 1Pe.1:13.

- A. Yēsu Hkristu paw pru wa ai ten lādaw hta anhtē h pang de shālun hkam la hkrum ai Chyēju gaw Kārai Kāsang a hpring tsup ai hkyehkrang lam a ngut kre hpring tsup ai lam hku nna myit a hkye hkrang la lam hpe mādun ai lam rai nga ai- 1Pet.1:13.
1. Hkristu hta anhtē h pang de jaw dat ai Chyēju gaw mungkan nlat kaw nna anhtē ntsa ap tawn da ya sai rai nga ai – 2Tim.1:9. Tit. 2:11.
 2. Ningpawt ninghpang kaw na nga ai Kāsang Kāsang gaw, aten hta Chyēju hku nna hkum sai shan byin wa nna, dai gaw māsha hkap la lu na mātu, mādu lu na mātu hte kābu gāra lu na mātu rai nga ai – Yh.1:1, 14, 16-17.
 3. Ninggam hte ninggam lai di ai māsūm lāngai Kārai, yawng māyawng lawm ai, asak jaw ai, shānu nga ai Wēnyi hku nna, ngut kre hpring tsup ai Mādu gaw, anhtē wēnyi hte rau Chyēju a Wēnyi byin wa ai – 1Kor.15:45b.2Kor.3:17. Heb.10:29. Gal.6:18. Phil.4:23.
- B. Lāni hte lāni anhte ni gaw Chyēju hpe ding-yang lu la na mātu, hpaw tawn da ai bang mai ai baw arai ni byin ra na rai nna, anhtē ni a myit māda ai lam hpe dai Chyēju ntsa tsep kawp, hkum tsup hkra tawn da ra ai- Rom.5:17.1Pet.1:13.

V. 1Petru 2:19-20 hta Kārai Kāsang hte rau nga ai *Chyēju* gaw, anhtē kăta hta nga ai Kārai seng ai asak a shādut ya ai hte anhtē asak hkrung lam hta dai hpe dandawng ai lam hpe mādi mādun nna, dai gaw anhtē a mănawt dingsawt hta, māsha a man, Kārai a man lāhkawng yan hta si mănai ai hte hkap la kam ai lam byin wa ai.

- A. Anhtē a kābu gāra lam a mātu ninggam hte ninggam lai di ai māsūm lāngai Kārai hku nna, Chyēju gaw Kārai Kāsang hte rau hkau dik ai hku gānawn māsūm lam hte Kārai Kāsang hpe mu lu ai lam hta anhtē kăta daw shādut ya ai hte shinggan daw dan dawng lam byin wa ai. Anhtē yawng gaw Chyēju hpe gāra hku lu la na, dai gaw Chyēju hpe lu la na, Chyēju hpe madu na, Chyēju hpe jai lang na hte Chyēju hpe la lang na mātu shārin la ra ai –Heb.12:28.
- B. Anhtē ni hkap la lu nna, kābu gāra ai, Chyēju hku nna, ninggam hte ninggam lai di ai māsūm lāngai Kārai gaw anhtē a hkrung ai asak hkrung lam hte Hpung zup hpawng ni hta kăga māsha ni mu lu na mātu dan leng hkra dan dawng wa ai- Kas. 11:23.
- C. Anhtē ni gaw māyak manghkang ni lăpran hta Chyēju hku nna Hkristu hpe, kābu gāra na mātu hte dan dawng na mātu shāga la hkrum sai rai nga ai, dai rai yang she anhtē ni gaw Mādu a Kārai-Māsha asak hkrung ai hte mären anhtē a kăsi kāmang hku nna Hkristu a hkrang sumla, hkrang hte bung ai lam byin wa na rai nga ai- 1Pet2:20-21.

VI. Asak a Chyēju gaw n-gun ja ai wa mi rai rai, n-gun kya ai wa mi rai rai, kamsham ai ni yawng a wunli rai nga ai-3:7.

- A. Asak a Chyēju gaw Mādu a Kārai seng ai māsūm lāngai re ai lam hta anhtē h pang asak hte asak a gārūm jaw ya ai Kārai Kāsang rai nga ai- Kăwa gaw asak a npawt nh pang rai nna, Kăsha gaw asak a lam rai nga let, Wēnyi gaw asak a lwi hkrat ai lam rai nna, anhtē h pang de Chyēju hku nna kăsha hte Kăwa rau anhtē kata hta lwi hkrat nga ai- Yhn.7:38-39. Shr. 22:1.

B. Anhtē ni gaw asak a Chyēju hpe wunli hkam la na, wunli hkam na kāsha ni hte asak a Chyēju hpe bang hkam na bang hkam ni rai nga ga ai-1Pet.3:7. Ehp.1:14.2Kor 4:7.

VII. Kārai Kāsang a amyu myu re ai Chyēju gaw, amyu myu byin ai lam hta, chyoï pra ai ni gaw shāda da hpang de māgam gun ai Kārai Kāsang a Chyēju sutsu ai lam hpe mādi mādun nga ai – 1Pet.4:10.

A. Kārai Kāsang a amyu myu re ai Chyēju gaw asak a sutsu gārūm jaw ya ai rai nan, dai gaw anhtē kăta de law la ai mähkrūn hta māgam gun ya ai mäsūm lāngai Kārai rai nga ai-2Kor.13:14. 12:9.

B. Anhtē ni gaw Kārai Kāsang a amyu myu re ai Chyēju a kăja ai kunhting ni tai na mätu ra nga nna, Kārai Kāsang a shing-ran ni hku na Chyēju ga ni hpe hkaw tsun nna, Kārai Kāsang gārūm jaw ya ai Chyēju n-gun lăgaw hte dăgu hte māgam gun ra ai – 1Pet.4:10-11. Luk. 4:22. Ehp.3:2. 4:29.

VIII. Kārai Kāsang gaw myit gyip ai wa hpe Chyēju jaw nna, gumrawng ai wa hpe shādang da wu ai- 1Pet.5:5.

A. Hpung asak hkrung lam hta anhtē yawng gaw shāda da hpang de shăgrit shānem ai hte tinang hkum tinang shingkyit kyit na mätu ra nga ai, dai rai yang she Kārai Kāsang hpe Chyēju jaw ai wa hku nna kăbu găra lu na rai nga ai- Yhn. 13:3-5.

B. Shăgrit hkam ai lam gaw jāhten ai lam amyu myu kaw na anhtē hpe hkye la nna, Kārai Kāsang a Chyēju hpe shăga ya ai, gumrawng gumtawng ai gaw anhtē hpe sawng dik ai māna byin shāngun ai- Yhn.4:6. Shk.138:6. Gsh.29:23.

C. Anhtē gaw Mădu a shărin shăga ai lam hta Kārai Kāsang a n-gun ja ai lăta npu hta shăgrit nna, shănyem hkam na ra shărawng ra nna, anhtē a asak hkrung lam hte dai ung ang hkrit tsang ai ni kaw na Kārai Kāsang a ntsa kăbai tawn da ra ai, ginlam gaw Mădu gaw anhtē hpe tsawra mătšan dum ai hte sădi dung ahkyak la ya nga ai mājaw rai nga ai- 1pet. 5:5-7. Shk.55:22.

IX. “Yawng măyawng Chyēju a Kārai Kāsang” – Kamsham ai ni hpe Mădu a htani htana hpung shingkang kăta de shăga wa ai mădu – gaw shanhtē a tsin-yam tsindan ni kaw na shānhtē hpe hkum tsup shāngun ai, ngang kang shāngun ai, n-gun jaw ai hte npawt ngang shāngun ai lam gălaw ya ai. Ndai “Yawng măyawng a Chyēju” gaw “Kārai Kāsang a jaw teng ai lam Chyēju” rai nna, dai kăta kaw kamsham ai ni shang wa nna, dai hta shanhtē tsap nga ra ai- 1Pet.5:10, 12.

X. Kārai Kāsang a jaw teng ai Chyēju gaw, anhtē a Mădu hte, hkye Mădu Yēsu Hkristu hpe chye chyap ai lam hte rau kamsham ai ni gaw ya prat hte htani htana du hkra Mădu a hpung shingkang de kăba wa ra na lam a Chyēju rai nga ai- 2Pet.3:18.

A. Dai lam gaw Kăsa pawlu ka da ai ga ginchyum rai nna, shi ka da măda yawng gaw Kārai Kāsang a Chyēju a lam, dai hta, dai a majaw, dai kaw nna re ai lam mādun da nga ai.

B. Kārai Kāsang a yaw măsing hta Chyēju a gălaw shăpraw ai gaw, sumsing lămu ningnan hte ginding aga ningnan hta Kārai Kāsang a dinghpring ai lam a ngut kre hpring tsup ai lam hku nna Yerusalem märe ningnan byin na mätu Kārai Kāsang a ga shăgawp hku, Hkristu a hkumhkrang rai nga ai – Ehp.2:7-10. 2Pet.3:13.

C. Anhtē ni a kăbu găra lam a mätu Kārai Kāsang a Chyēju sutsu ai lam, Kārai Kāsang shi hkum nan a sutsu ai lam ni gaw shādawn mäsāt yawng hkra hpe lai di nna, htani htana prat ting dan pru dandawng nna gălaw shăpraw mādun lu na lam nga na rai nga ai- Ehp. 2:7.

Message Six

**Kārai seng ai mābyin māsa hpe shang lawm ai ni hte htani htana mungdan
kāta de sutsu hkra du shang lu na mātu, Kārai seng ai asak hte Kārai seng ai
mābyin māsa hpe rawt jat kāba shāngun ai lam**

Htina chyum daw; - 2Pe 1:1, 3-11, 3:18

**I. Mānu dan ai mākam māsham hpe mären māra lu la ai ni hku nna, Hkristu hta
kamsham ai ni rai nga ai anhtē gaw Kārai seng ai mābyin māsa hpe shang lawm
ai ni byin ra ai – 2Pe 1:4.**

- A. Kārai seng ai mābyin māsa gaw, Kārai byin ai lam, dai gaw, Kārai Kāsang mābyin a sutsu lam ni, dat mābyin ni hte mähkri shawn ai lam ni hpe mādun nga ai – Yhn 4:24, 1Yhn 1:5, 4:8, 16.
- B. Kārai seng ai asak hte Kārai seng ai mābyin māsa gaw gāran kau nmai nga ai. Kārai seng ai mābyin māsa gaw, Kārai seng ai asak a dat hkrang rai nna, Kārai seng ai asak kāta hta nga ai – 1:1-2, 5:11-13.
- C. Kārai Kāsang a kāsha ni hku nna, Kārai -Māsha rai nga ai, Kārai Kāsang a shāngai hkrum ai anhtē gaw Kārai Kāsang a asak hte mābyin māsa hpe mādu lu nna, Kārai Kāsang a nli baw hpan ni hta, shang lawm lu ai – 3:1, Yhn 1:12-13.
 - 1. Anhtē a ningnan shāngai hkrum ai hta, kāga mābyin māsa gaw, anhtē kāta hta gāran kächyan hkrum ga ai. Ndai gaw, Kārai Kāsang a mābyin māsa, Kārai seng ai mābyin māsa rai nga ai- 2Pe 1:4.
 - 2. Kārai seng ai mābyin māsa gaw, Kārai seng ai asak hta, nga nga ai mājaw, anhtē ningnan shāngai hkrum ai Kārai seng ai asak gaw, kāta hta, Kārai seng ai mābyin nga ai – Yhn 3:3, 5-6, 15.
 - 3. Kārai Kāsang a kāsha kāta de, kamsham ai ni yawng gaw, Kārai Kāsang a shāngai hkrum nna, Kārai Kāsang a kāsha byin wa na ahkang lu ga ai. Dai mājaw kamsham ai wa gaw, Kārai Kāsang a mābyin māsa hpe shang lawm na mātu, kābu gāra na mātu, ahkang lu ai – 1:12-13.
- D. Kārai seng ai mābyin māsa hpe shang lawm ai wa gaw, Kārai seng ai mābyin māsa hpe kābu gāra nna, Kārai seng ai mābyin māsa hta, shang lawm lu ai wa rai nga ai – 2Pe 1:4.
 - 1. Kārai seng ai mābyin māsa hpe shang lawm ai lam gaw, Kārai Kāsang byin ai lam hpe kābu gāra lam rai nga ai. Kārai seng ai mābyin māsa hpe shang lawm ai wa ngu ai gaw, Kārai Kāsang mābyin a sutsu lam ni, dat mābyin ni hte mähkri shawn ai lam ni hpe shang lawm ai wa rai nga ai – 1Pe 1:8.
 - 2. Anhtē gaw Kārai seng ai mābyin māsa hpe shang lawm ai wa byin māyu yang, Kārai seng ai mābyin māsa ngu ai kāta hta Kārai seng ai asak a mārang e, asak hkrung ra ai – Yhn 1:4, 10:10, 11:25, 6:57b.
- E. Anhtē gaw, Kārai Kāsang a mānu dan ai ga sādi ni kaw na, Kārai seng ai mābyin māsa a sutsu lam ni hpe kābu gāra ga ai – 2Kor 12:9, Mat 28:20b, Ehp 3:20.
- F. Kārai seng ai mābyin māsa hpe shang lawm ai wa byin na mātu, māsāt tawn ai lam lāngai nga ai – dai gaw, ra mārīn ai myit hte mungkan hta nga ai htenza ai lam kaw na anhtē lawt ra ai. Anhtē gaw lawt ai lam hte shang lawm ai lam (Kārai asak hta), shang lawm ai lam hte lawt ai lam a shingwang hta asak hkrung ra ai – 2Pe 1:4.
- G. Anhtē gaw Kārai Kāsang hpe kābu gāra nna, Mādu a mābyin sutsu lam ni hpe shang lawm ai rai yang, anhtē gaw Kārai mābyin hte mähkri shawn hkrum let, Baw shāra hta nrai, asak hte mābyin māsa hta, Kārai Kāsang hte bung wa nna, anhtē byin ai lam yawng, gālaw ai lam yawng, mādu hpe dandawng shāngun na rai nga ai – kāji 3.

H. Anhtē gaw Kārai seng ai mābyin māsa hpe shang lawm ai lam, Kārai Kāsang byin ai lam yawng hpe kābu gāra lam nga ai hte, Kārai mābyin māsa ni a sutsu lam ni gaw, kāji 5 kaw na 6 du hkra, hpaw mādun ai hte mären, hpring hkra kāba kunghpan wa na rai nga ai.

II. Anhtē gaw anhtē a kăta de, nli gat hkrai hkrum ai Kārai seng ai nli hta, shang lawm ai Kārai seng ai asak hte Kārai mābyin māsa a kāba wa ai lam hpe hkrum kădup hkamsha ra ai, dai rai yang she, anhtē gaw htani htana mungdan kăta de, sutsu hkra shang lu na ahkang lu na rai nga ai – kāji 1, 4-11.

- A. Anhtē gaw mau hpa mären rai nga ai mānu dan ai mākam māsham hpe gāran da ya sai rai nna, ndai mākam māsham gaw, yawng māyawng lawm ai nlu tum rai nga ai – kāji 1.
1. Kārai seng ai sutsu lam yawng gaw, ndai nli tum hta lawm nga ai, raitim, anhtē gaw, dai hpe kāba rawt jat shāngun na mātu, mări rawng ra ai. Kunghpan ai de du hkra kāba wa ai gaw, anhtē hta nga nga ai lam hpe kāba rawt jat shāngun ai lam rai nga ai – kāji 1-8, 3:18.
 2. Ndai mai kăja lam ni hpe kāba rawt jat wa shāngun ai mārang e, anhtē asak hta kāba wa nna, jāhtum hta kumhpan ai de du let, Hkristu hte hpring na rai nga ai, du wa na mungdan hta, hkawhkam ni byin na mātu, mādang dep shāngun ai hte kuptsup hkra shăchyaw hkrum na rai nga ai – Ehp 4:13-15. Kol. 2:19, 2Pe 1:11.
 3. Anhtē gaw mākam māsham a nli tum kaw na, mai kăja lam hte hpaji byeng ya a ru npawt ni, tinang hkrum tinang hkang zing lu ai lam a hpun mat, hkam shārang ai lam hte nawku hkungga lam ngu ai lăkung lăkying ni, hpunau hpe tsawra ai lam hte tsawra myit a apu pu ai lam hte asi si ai du hkra, hpring hkra kāba kunghpan ai de du ra ai – kāji 5-7.
- B. Mākam māsham hta, mai kăja lam hpe mădi shădaw ya lam gaw, mären mări mānu dan ai mākam māsham hpe shăman ai hta, mai kăja lam hpe kāba rawt jat shāngun na mātu rai nga ai – Kārai seng ai asak a atsam gaw, n-gun lăgaw hpring nga ai gălaw ai lam hta byin pru shāngun ai. Ndai mākam māsham hpe shăman gălaw ra ai, dai rai yang she, Kārai seng ai asak a mai kăja lam gaw, hpang hkan nang wa ai mādang ni hta, kāba rawt jat wa nna, kunghpan ai de du wa lu na rai nga ai – kāji 5a.
- C. Mai kăja lam gaw Kārai Kāsang hte anhtē a Mădu Yēsu hpe hkau chyap ai lam a sutsu law htam ai mădi shădaw lam hpe ra kădawn nga ai. Anhtē a mai kăja lam hta, kāba wa shāngun ai hpaji byeng ya gaw Kārai Kāsang hte anhtē a hkyē la Mădu hpe hkau chyap ai lam, Kārai Kāsang a yaw mătasing hpe chyē chyang ai lam, mākam māsham gaw hpa rai nga ai hpe chyē chyang ai lam hte Kārai seng ai atsam, hpung shingkan, mai kăja lam, mābyin māsa lam hte asak hpe hkau chyap ai lam ni lawm nga ai – kāji 5b.
- D. Tinang hkum tinang hkangzing ai lam gaw, māsha lăngai wa gaw tinang tingkyeng a shărawng shăra myit, ra shărawng myit ni hte lai kyang ni ntsa hkangzing ai hpe shăman gălaw ai lam rai nga ai. Dai zawn tinang hkum tinang hkangzing ai gaw, asak hta tengman htap htuk hkra asak hta kāba wa na mātu, hpaji byeng ya hta shăman gălaw ra ai – kāji 6a.
- E. Hkam shārang lam hpe shăman ai lam gaw, kăga ni hpe mung, māsa lam ni hpe mung, hkam shārang nga ai – kāji 6b.
- F. Nawku hkungga ai lam gaw, Kārai Kāsang zawn re byin ai, Kārai Kāsang hpe dandawng ai asak hkrung ai lam rai nga ai- kāji 6.
- G. Hpunau hpe tsawra ai lam (Hpiladehpi) gaw, hpunau hpe hkau chyap ai, shărawng awng ai lam hte myit dik kābu ai hku mādun tawn ai tsawra ai lam rai nga ai. Kārai

- Kāsang hpe dandawng ai lam nga ai nawku hkungga ai lam hta, ndai tsawra myit gaw, hpu
- H. nau a mätu, mungkan hpang de, anhtê a sakse hkam lam a mätu, mädi shădaw hkrum ra ai – kăji 7a, 1Pe 2:17, 3:8, Gal 6:10, Yhn 13:34-35, 15:16-17.
- I. Anhtê kăta hta na Kărai seng ai măbyin măsa a jăhtum htum hkra kăba rawt jat ai lam gaw tsawra myit, Agape rai nna, dai hpe ga shăka ningnan hta, Mădu a măbyin măsa hta, Kărai Kāsang rai nga ai Kărai seng ai tsawra myit a mätu, jai lang ai Helani ga si rai nga ai – 2Pe 1:7b, 1Yhn 4:8, 16.
1. Anhtê a hpunau hpe tawra ai gaw, grau na arawng nga ai, grau ai tsawra myit kăta de, kăba rawt jat wa na mätu rai nga ai – 2Pe 1:7b.
 2. Kărai seng ai măbyin măsa hpe anhtê kăbu găra ai lam hta, anhtê gaw, găran da ya ai măkam măsham a Kărai seng ai nli tum gaw, Kărai seng ai, grau na mai kăja ai tawra myit hta, ngut kre hpring tsup ra ai- kăji 5-7.
 3. Anhtê gaw Kărai seng ai măbyin măsa hpe chyăhtum chyălai shang lawm ai shăloi, anhtê gaw tsawra myit re ai Kărai Kāsang hte hpring nna, anhtê gaw tsawra myit a mărai hkum ni, tsawra myit nan byin wa ai- Ehp 3:19.
- J. Kărai seng ai asak hta, wēnyi seng ai mai kăja lam ni hpe kăba wa shăngun nna, Kărai seng ai asak a kăba wa ai lam hta, rawt jat wa ai lam gaw, Kărai Kāsang gaw anhtê hpe shăga ai lam hte lăta la ai lam hpe ngang grin shăngun ai – 2Pe 1:10.
- K. Anhtê gaw htani htana mungdan kăta de sutsu hkra du shang na mätu, Kărai seng ai asak hte Kărai seng ai măbyin măsa a kăba wa ai hte rawt jat ai lam hpe tam shărin la na mätu, n-gun mărai rawng ra ai – kăji 10-11.
1. Kărai seng ai asak hte Kărai seng ai măbyin măsa a rawt jat ai lam hta, anhtê kăbu găra ai sutsu ai mädi shădaw lam gaw (kăji 3-7) anhtê Mădu Kărai a htani htana mungdan kăta de, sutsu hkra du shang na ahkang hpe anhtê hpang sutsu hkra mädi shădaw ya na rai nga ai.
 2. Ndai mädi shădaw ya lam gaw, Kărai Kāsang a hkik hkam ai hpung shingkan kăta du hka, anhtê a grau htum ai mai kăja lam ni (atsam) hku Kărai seng ai asak hte Kărai seng ai măbyin măsa a sutsu lam yawng a mărang e, du wa na mungdan kăta de du shang na mätu, anhtê hpe dang di shăngun ai, mädang dep wa shăngun na rai nga ai- kăji 3, 1Pe 5:10.
 3. Shinggan daw hku htani htana mungdan kăta de, du shang ai wa gaw, anhtê nan rai nga ai. Kăja wa teng sha, htani htana mungdan kăta de du shang ai lam gaw, anhtê asak hta, kăba wa ai lam kaw na mung, anhtê a kăta hta na Kărai seng ai asak a rawt jat wa ai lam kaw na mung, anhtê hpang sutsu hkra mädi shădaw ya lam nan rai nga ai.